



Wrocław

21224

III Mag. St. Dr.

P

*Norycki*

*Sienkiewiczianae Collegii Soc. fani: Iustitia coronata.*

PANEG. et VITAE

Polon. Fol.

*№ 1019.*



—  
—  
A  
—  
I  
—  
I  
R  
M  
C

à l  
C



ILLVSTRISSIMO EXCELLEN-  
TISSIMO DOMINO

D. STEPHANO

à P O T O K

ПОТОСКИ

REFERENDARIO REGNI  
MARESCHALCO COMITIUM REIP:

CAPITANEO LEOPOLIENSI,

In primo

Capitaneatûs ingressu

# Cultu Oratorio

A D O R A T A

à Devinctissimo, POTOCCIANO Nomini  
Collegio SIENLAVIANO Societatis IESU.

*Annô Domini 1726.*

\* \* \* \* \*  
 LOEPOLI Typis Collegii Societatis I E S U \* \* \*

R. P. Ruski. R. Ruski





21.224 III

I.

*Ense, librâq; manûs, infractô pectora ferro,  
Frontem armis justo Diva rigore Themis.  
Frenat vitta comam; sed desunt summa Coronæ;  
Adde Crucem, & STEPHANUM, plena Corona Tui  
est.*

2.

*Ad trinam dum Astræa Crucem librat Acta, nefasq;  
Non magis ex æqua lance tribunal erit.*





ILLUSTRISSE,  
EXCELLENTISSE  
DOMINE.



ON attollit dignitatem Tuam nostra Panegyris, sed demissionem admiratur. Provincia, quam adis, descensus quidam videri potuit, non ambitus. Quid enim Tibi cum humilioribus subselliis? quem, ut Palatinæ Curules accipiant, pridem citato velut agone contendunt. Quid cum forensibus querelis isti Animæ? cui discrimina Regni gravissima, Reipublicæ difficillima, se ingerunt, ut malaciam referant; Sacra, etiam Potentissimi AUGUSTI Majestas fiducialius Tibi incumbit, quàm Joves Pulvinaribus. Hoc quidem Equestris Judicii Solium, Ducalibus nuper titulis, se æstimavit, Verum Præfecturam hanc primâ ferè juventâ Decessor Tuus exercuit, ut per gradus




munerum paulatim robur colligeret ad gravius Clavæ pondus, ad summa Fortunæ publicæ moderamina. Tu verò prima Senatûs fastigia pridem tenueras, nisi promptius Tibi foret salire etiam ad ima, ubi Te vel desiderata populi utilitas, vel suspirantes legum ærumnæ sibi vendicant: nequæ enim laboras reptantibus curis eripi, sed obviare. Quod dilatis splendidis, & eminentioribus titulis, Castro Leopoliensi PROREX esse non detrectes, istud propensione Tuæ dedisti, & nostræ felicitati, ne popularium desideria damnasse videaris, quasi trahere vel invitum non possent, quem immodico affectu pæne cunctis invident. Ne nos peregrini à Te diceremur, ne ab agnitione dissiti, occurras Themidi Leoburgicæ, ut aurum inopiæ, ut sidus Lunare nocti, quod plenum lucis Orbem sæpe abrogat, sæpe in declive fertur, ne semel, & sibi tantum crevisset. Id, si alius par faceret, cui non prodigio par esset? At Tibi infra populorum commoda sunt honores; tantumquæ Te eminere advertis, quantum in usus nostros dejici libens admittis. Cresces deinde, non servato crescendi ordine, nunc Quiritem inter, Equestremquæ medius, nunc Senatorum Primicerius, prout felicitati nostræ libuerit; nullo altitudinis detrimento: aliorum enim luminum inclinatio etiam motus, Sphæram magnitudinis non deserit, sed explicat. Nec aliter Judiciarii fasces Te adorant hodie, quam ut summa etiam honorum culmina infra se habeant, Te posset. Altiùs montibus suis porrigitur LEO Roxolanus, & Cælum tangit, postquam Optatissimo STEPHANI Nomine spes suas Coronavit. Dum enim Aram Justitiæ tangis sanctior Aristides, pulcherrima Cidari frontem Themidis crexisti. Et jam Regio dominatur supercilio Virtus, & Æquitas. Ut verò etiam Divinam facias, satis est Te exorari, ut dum Universæ Reipublicæ decurres munia, & amplissimis Provinciis purpuratus imperabis, perennem Te Coronam nostri habeant fasti, & Rossa Metropolis Aram Justitiæ. Hanc votorum coronidem adnectit

*ILLUSTRISSIMI MECÆNATIS Honoribus*

devinctissimum

Collegium Leopoliense Societatis JESU.





**E**Xcute pullato vitiatam pulvere frontem;  
Collaꝫ lambentem pulso discrimine crinem,  
Stringat purpureo distinctus stamine nodus,  
Russa Themis: cingat felix meliore metallo  
Vitta caput; quod furvus Arabs, nec Medus Hydaspes,  
Nec qui Regales excepit vortice nævos,  
Infecitꝫ suum pretioso crimine limum,  
Crystallumꝫ vehens vidit sub gurgite Ganges.  
En, quæ cæsariem, cælo mittente, corona  
Amplexura venit! qualem vel Juppiter ipse,  
Concilio quoties vellet præstare Deorum,  
Sumeret: in solio summum Numenꝫ videri  
Posceret. Hanc exquisito non pollice Musæ,  
Non artis inventa novæ, non flexit in orbem  
Invitâ Fortuna manu: sed Nomen & altum  
Composuit Genus. In gemmas se contulit omnis  
POTOCIAE Virtutis honos: probitate renidet  
Tænia: non adamas, non cultâ fronte pyropus  
Fulget; at omne decus se construit unica virtus  
In STEPHANO conclusa suo: facit Ipse coronam  
Et gemmam pulchre STEPHANO cingêris ab ipso  
Diva Themis: claudet sublimem frontis honorem  
CRUX non una Tuum: fies confinis Olympo,  
Teꝫ Polo Tua Libra vehet.



**D**Epressâ collecto mæ-  
rore frontem, dolen-  
tissimis madidam la-  
crymis, fatalibus SIE-  
NIAVII umbris nubilam, erige,  
A se-



serena, *ROXOLANA THEMIS*.  
Haëtenus gravem Tibi, universæ  
gravem Lechiæ, mortalem ingē-  
tis Viri casum, ut sensisses tenerius,  
excepisti corde & gemitu; sensi-  
sti, quæ Patriam, quæ Te preme-  
ret jactura; haëtenus luctuum im-  
bres profuderas, quos lugubris  
Celsissimæ Cynthiæ pallor præsa-  
giit, & post Occasum Lunæ, in  
lætities oriri recusabas. Tandem  
sub dolorum mole, levamen ad-  
mitte, noctes illas lacrymis proge-  
niti roris nutrices, in serenum educ  
diem. Recens quidem mæror, nō  
perfanatum modò vulnus, sed cru-  
dum, & viva tantæ mortis imago,  
planctus non cohibendi irritamē-  
tum, lætiora dedignatur consilia,  
ac ipsis quodammodo in solatiis,  
materiam dolendi habet, dum a-  
missi reminiscitur; cujus jactura  
sola-



solatia quærendo excludit. Suam  
 hîc mortalibus Cæli indolem in-  
 fuderunt. Olympus, ferenissi-  
 ma fiderum Regio, occumbentē  
 amittit Solem; concurrunt Stellæ,  
 ut mæstitiam amissi, multiplicato  
 exhilarent risu; & ille, risus inter  
 ipsos, rorat lacrymas, ac ipsa so-  
 latia lugubri funestat planctu. Ve-  
 rùm ut ruptum adamantem, au-  
 reæ connectunt fibræ, ac violen-  
 tam Naturæ cicatricem, suo cō-  
 pensant pretio; ut læsam chalybe  
 Cedrum, decidui ab Astris succi,  
 in primam enutriunt integrita-  
 tem, iisque sævioris plagæ memo-  
 riam abluunt; ita ictu fatali fauci-  
 um humanū cor, faciles etiā expe-  
 ritur medelas, & persentiscit; quòd  
 nō fortiora sint, suis telis, fata, quàm  
 natura, cōtra fatorum tela remedi-  
 is. *Vulnus Tibi est Roxolana The-  
 mis;*



mis, quòd cùm magno Exercitu-  
um Duci, Capitaneo Leopoli-  
si, inflixit Lachesis, Te eodem  
confodit ictu; nempe ad vulnera  
Capitis etiam cor fatiscit. Sed e-  
nim providi superùm favores, re-  
centissimam jacturam, promptâ  
compenfant felicitate: perempto  
Duci, Equestris Ordinis Princi-  
pem substituunt *ILLUSTRIS-  
SIMUM EXCELLENTISSIMUM  
REGNI | REFERENDARIUM.*

*S*erenam frontem induite Cives  
Nervæ Trajanus succedit.  
Latium illi est Roxolana Metropolis;  
Tota in collibus,  
Romanis etiam!

*Lunam extinxerunt fata, non serenum:  
Eodem in cælo,*

*Illustrissimæ semper effulgent POTOCCIAE Cruces.  
Prodigium putatis?*

*Arboribus favere lunas, didicimus.*

*Adamum fata exemerunt horto Themidis:  
Sed regnat arbor vitæ.*

*Florentem dixisse debueram,  
Nisi adultos meritorum tulisset fructus,  
Etiam*



*Etiam Serenissimis soaves mensis.  
Quantus Vir ad clavum Justitiæ proficit,  
Intelligite Cives!*

*Præduces, Supremos Duces habuit.  
Ita nimirum incedunt summi ad fastigia,  
Ita POTOCII.*

*Quid præduces nomino?  
Cui lusca virtus est, Ductore opus habet.  
Asiones pari prævolant, non Aquilas.  
Illum præmisit POTOCIIUS,  
Non ut Columbum ad novos quærendos Orbes Iberia:  
(Tritam Patribus viam noverat)  
Sed ut Illustrissimi Parentis vestigiis Filium solaretur.  
At præmiserit!*

*Heroicæ illud est Gloriæ, clavâ viam quærere,  
Etiam ad honores.  
Iverint ad Tyrios Alexandri, flore comente iter:  
Gnesnam, purpureâ semitâ Ottones:  
In Caput Orbis Ausonii, prævolantibus vulturibus:  
Nemo generosius POTOCIO ad Castrum,  
Per clavas descendit.*

*Bellator, & Mars Poloniæ his Appiam instruxit.  
Ita sê aureo NICOLAO opulentam Justitiam  
Voluit etiam STEPHANO Coronatam.*

*Nec alteri eam credidisse poterat,  
Quàm suæ animæ:*

*Unam uterq; spiravit.  
Amica nimirum vincula, nec fata rumpunt.*

*Quantum mens illa astris recepta gestit  
STEPHANO Successore!*

*Nisi hinc mæreat,*

B

Quòd



Quòd necdum clava manum oneret.  
Applaudite felicitati vestræ Incolæ,  
Excitant gaudia,  
Æternò etiam intercepti somnò Duces.

**S**Ed quid ego Roxolanæ Themidi solatia è tumultis evoco? malè sapiunt gaudia, si mortuali condiantur cinere, nec tristem ferenant vultum, sepulchrales umbræ. Bene, lugubres amovet Næ-nias, lætior Domus Celsissimæ Gloria, *ILLUSTRISSIMUS, EXCELLENTISSIMUS STEPHANUS* à Potok *POTOCKI*, nunc Regni Referendarius, pridem Regum designatione, voto Patriæ, & ingentibus in Patriam meritis *SENATOR*. Tuum ille ingreditur Tribunal, post *ADAMUM SIE-NIAVIVM* primū Senatūs Patrē, secundus hic, id est Patriæ & Tibi felix: quanquam, & iste, si meri-  
ta



ta expendas, primus est. Venientis ora, hilari vultu accipe, ille namq; Tuis se infert ædibus, qui, ut sui Nominis, ita Tui Capitis Corona est. Magni ingressus lux festiva publico arridet honori, diem inaugurationis agimus, in Metropoli Russiæ, & *STEPHANUS CORONA IVSTITIÆ est.* Principe stylo præfens celebranda foret inauguratio, & gemmis loquendum de Corona. Quod si *Illustrissime* Iudex, malè computa svada, pro gemmis vitrum, pro adamantibus saxa obtruserit, facile absolves crimen hoc, amat enim, etiam lapides *STEPHANVS.*

**S**olo hætenus succincta gladio incescit Themis, omnisq; majestas ultore criminum constabat ferro, & totus ille cultus, nobilis me-



metus erat. Severitas, quàm manum, tam vultum tenebat, nec contractum ad minas supercilium clementia temperabat. Districtus mucro ita solii maiestatem tuebatur, ut oculos etiam feriret, & animum: mæstum etiam insonantibus spectaculum. Vidimus Aristides, vidimus Hirones, Seleucos vidimus in Tribunalia descendere, sed præeuntibus bipennibus, ut totus Iustitiæ apparatus ferrum esset, & horror. Ita vili instructa metallo poenè omne sui pretium amiserat Divina Nemesis, dum ad incudem legum fabrilis Nomen induit, non Reginae. Tam asperam viderunt Themidem illa sæcula, fatis felicia, si limatam ensis aciem, nulla inquinasset macula; sed ferrum illud contra-



traxit sæpiùs rubiginem, eò nocentio-  
 rem, quòd ab auro. Ita enim malum hoc Justitiæ dignita-  
 tem imminuit, ut intra Areopagi  
 conclavia servam ageret, non  
 Reginam. Absolvīs ab hac labe  
 Themidem Judex Illustrissime,  
 dum, Te ipso coronatam, facis au-  
 ream. Ita dives, facilè despicit  
 fulva Midæ obsonia, & jam extra  
 commentum Dea est, quia Te  
 Judice corrumpi nescia. Quà  
 gressum moves, fas sequitur, &  
 æquum, profugiunt facinora, ve-  
 rita probitatis vestigium, accurrit  
 legum reverentia, severitatis ple-  
 na, & clementiæ. Exciperis ab  
 Ara Themidis suum Numen, cui  
 avitas Domus Tuæ ceras accen-  
 dis, ut Orbi Russiaco illustriùs af-  
 fulgeat; & jam *Potoccianæ* Domus

C

splen



155  
splendoribus reddis Serenissimam.  
An enim Crucibus insignitæ fan-  
ctiùs nō imperabunt leges? Si iterū  
Maxentius, Maximinusq; superba  
titulis Nomina, at scelere tumen-  
tiora, reviviscant, habebunt in Te  
Constantinum, sub hoc signo  
pro æquitate triumphatorē. Suo  
obsignatam annulo (ad Oraculi  
arcanum) nescio mentem Capitis,  
quod à Romano Petri Solio jura-  
dabat Orbi. Callistus III. Sum-  
mus sacrorum Arbiter, Apellis,  
Zeuxisvè penicillo, lineamenta  
Crucis duci jusserat, & prostrati  
ad Crucem Leonis. Iacebat Prin-  
ceps animal ita expressum colo-  
ribus, ut spectator oculus vivum  
crederet, nisi vicinior adverteret,  
quòd artem spiraret, non vitam.  
A summo Capite cogitatum ico-  
ni



ni adjectum lemma: *Fortitudo Pietati.* Tui Honoris Symbolum est *Illustrissime Capitaneæ.* Gentilitias Domus tuæ Cruces aris imponis Justitiæ Leoburgicæ; non egent illæ mendicatis à penicillo coloribus. Habent Imperatorios, Regios, Principes, Senatorios à suo Sanguine murices: illis admiscuit sese pulcherrima cerussa, quam tincti Cruore Ducum, Heroum, *POTOCCIORUM* acinaces à cæsis Patriæ hostibus hausere, ad lucem, quam non mentiti Zeuxis radius, sed ipsa gloria nobilius purpurat. Crucibus subjectum cerne Roxolanum Leonem, fortitudinis famâ inclytum. Hic infesta Ottomanæ Lunæ cornu adextinuit, & fregit, millenos fugavit Scytharum cuneos, irruentes barbaræ



baræ Gentis catervas ita repressit,  
ut suis velocius sagittis retro avo-  
larent. Sveticam quidem belluā,  
Nemœæ sylvæ monstrô fero-  
ciorē, intra mœnia pertulit, non  
quòd suo diffideret robori; verum  
ut proprio etiam dolore commu-  
ne sentiret fatum, & publicæ ad-  
gerneret calamitati. Jam Leo no-  
ster asperatam præliis frontem ad  
pacis clementiam revocat, con-  
cinnat jubam ad legum Capita,  
totus spirat modestiam ad *P O-  
TOCCIANUM*, & probitatis insi-  
gne. Nec immerito: omnem  
exuere debuit feritatem, ubi Tê  
coronatam advertit Justitiam. Ille  
nempe Capitaneus Roxolanum  
conscendit Tribunal, cujus Do-  
mus Imperatoriis eminet Coronis,  
regū vincitur diadematis, Principū  
coro-



coronatur mitris. Fastos, id est  
 immortalem retroactorum tem-  
 porum memoriam consulimus?  
 plenis loqvuntur Capitibus *P O-*  
*T OCCIANAM* frontem eadē re-  
 dimiri tænia, qua Orientis Impe-  
 ratores. Nempe *MOHILENIS* Mol-  
 daviæ Ducissa, *PALEOLOGORUM*  
 Neptis, Tui Sanguinis *AVIA*, in  
*POTOCIAM* Domum Orientis de-  
 duxit splendorem; ut Sol ipse nō  
 illustrius nasceretur, quā *Po-*  
*TOCCII*. Et nē unam Coronati  
 Orbis partem, sua intra limina  
 concluderet Genus Nobilissimū,  
 accessit Septemtrio cū Moscho-  
 rum Imperiis, per affinem in *SOL-*  
*TIKII* tanto Solio gloriam. Imò  
 huc se devolvit Meridies totā Se-  
 renissimorum titulorum luce, in  
 Augustissimis *AUSTRIACIS* per  
 D                      Neo-



Neoburgos Principes, quorum  
Mitræ Cælareis vicinæ Coronis,  
& Vobis Sanguinis nexu conti-  
guæ, ne quidquam ad fastigium  
trino Occidentis diademati deef-  
fe videretur, tergeminas P O-  
TOCCIORUM Cruces inseru-  
êre. Gallia deniq; suum, quo nul-  
lus eminentior, Florem Vestræ  
annectit fronti in LESZCZYNIA, il-  
lumq; non vulgari tellure nutritū,  
sed Regum Soliis, expandit, ut  
suo folio lectissimam Domus Ve-  
stræ inscribat gloriam, & Lilium  
hoc, cordis loco, habeat Genus  
POTOCCIUM. Jam si Patriū  
Orbem inspexero, omnis se vol-  
vit ad Tuum Nomen, propinquo  
Sanguinis nexu. MOHILENIDES,  
par nobile Sororum, POTOCCIO-  
RUM & WISNIOVIECCIORUM

Ma-



Matres, inſtratis murice Impera-  
torio Cunis, utrumq; educârunt  
Sanguinem, jam olim ſuâ etiam  
gloriâ adultum. Germana *Potoc-*  
*ciis* Sceptra dextram adornarûnt  
MICHAELIS KORIBUTH WISNIO-  
WIECKI. Imperavit hic Sarmatiæ,  
& in Fratre Rege, Poloniæ præ-  
erant Reges *Potoccii*, unius con-  
chæ gemmæ, & unius Coronæ.  
Ad Principes declino Mitras, (ſty-  
li demiffione erravi) ad Principes  
erigor Mitras, quæ in Poloni Or-  
bis faſtigio, celfiore attolluntur  
magnitudine, ſimulq; ſua affinita-  
te *POTOCCIORUM* comitantur  
culmen. Illæ ſunt, quæ cû *Wiſnio-*  
*wieccio* fidere ſemper in cælo Ho-  
noris radiant; provolant cum *RA-*  
*DZIVILIANIS* Aquilis ad Solem  
gloriæ; cum Avito SANGU-  
Ssko-



478  
SZKORUM Pogonia, famæ de-  
currunt stadia, & attingunt metā;  
in altum dignitatum enatant cum  
LUBOMIRIORUM Srzeniava.

A Principum Celsitudine, à Du-  
cum Tiaris, feror ad prima Coro-  
næ sidera, ad purpuras, quibus se  
*Illustrissimi* involvunt Soles. Huc  
plenitudinem lucis transfuderunt  
SIENIAVII, quorum Nominis  
splendor, ne perennem Eclipsim  
pateretur, Avitam Lunam POTOC-  
CIANÆ Domus Crucibus non u-  
no illigârunt nexu, & jam fidus fi-  
xum est in NICOLAO POTOCKI  
palatinida Beizensi. Transcribūt  
Clavam JABLONOVII, ne belli  
Numina desideret patria. Hic  
altum suæ Navi designant OPA-  
LENI, CZARNIECII, tot gē-  
marum onerariæ, quot Nepo-  
tum.



tum. Aureum Cruci Vestrae appendit vellus, HUMIECCIORUM, SZANIAWSCIORUM Agnus, ut ex divite lana perenne Purpurarum stamen Vobis ducat Patria. Fulminatricis militiæ Duces KACCHII, juratum Crucibus Vestris Nomen; quibus ut semper militent, lectissimum Sororum par, & in utraq; Bellonam Vobis fœderarunt. Honoris fascibus inserunt Secures OSOLINII, TARŁONES, MORSZTYNII. SAPIEHARUM Sagittæ, ZAMOYSCIORUM hastæ, ut summum gloriæ tangerent, in Vestram collimarunt Domum. Poloniarum Gradivi: RZEWUSCIUS & DENHOFIUS, ut nihil à Magno differant *Constantino*, Ducalibus clavis POTOCIANAS Cruces fociarunt. CETNERII, quò fortunatiùs triumphent, sub hoc signo Avitum ex-

E

plicant



plicant Labarum. Jam WARSZŶC-  
CII, CHODOROWII, WIELHORSCHII,  
ŁASZCII, SZCZUCHII, PREBENDO-  
VII, & mille alia Domui Vestræ  
illata fidera, ut ultra calculū sunt, sic  
ultra calamum. Ibo per cōpendia.  
Quidquid exterus orbis, Cel-  
situdinis habet, quidquid summi  
pretii Patrius, totum id Domus  
complectitur POTOCCIANA, &  
auget: non secus, ac vastum ma-  
re, quod ingentia flumina dum in  
se recipit, majori donat incre-  
mento.

**S**pectâsti *Illustrissime Excellen-  
tissime Capitaneæ* Serenissima  
Domus Tuæ diademata, Princi-  
pes Mitras, & innumera Patriæ  
spectâsti fidera; universa hæc in  
Tuam colligis frontem, Coro-  
narū & Mitrarum hæres, ac alter  
Lechici cœli Atlas. Reclinant se  
ad



ad eminentem sibi fastum, tantum  
 in Caput, collecta Fortunæ insi-  
 gnia, in quo AUGUSTI II. ani-  
 mus, idest mens Regni vivit. Huic  
 Regiæ omnis se debebat tænia;  
 accipis illam cum Coronatæ Do-  
 mus gloria: nec Tibi Soli; illu-  
 strē ducis à primo Generis Sere-  
 nissimi ortu animam, ceu Solem,  
 qui vix cœlum ingreditur, cogna-  
 tam sibi lucem astris, & terris in-  
 fert. Ita *Illustrissime & Excel-*  
*lentissime Domine*, Roxolani Arco-  
 pagi conscendis thronum, ut qui-  
 bus ipse Augustior incedis titulis,  
 iisdē Themidem Coronas Leo-  
 burgicam. Ne verò diademati,  
 quo Justitiæ attollis frontem, sua  
 desint pretia, illud tot distingvunt  
 gemmæ, quot POTOCCII. Inse-  
 pultos cineribus: non eruo unio-  
 nes,



nes, illos Coronæ infero, quos  
adhuc superstites (utinam immor-  
tales) Orbis Polonus intra sua re-  
censet decora; gratius namq; il-  
lud ornamentum est, quod ocu-  
los, non quod solam delectat me-  
moriā.

**N**on querna folia distinguunt Coronam Iustitiæ:  
Arboris tamen,  
Sed POTOCIANÆ.

Gemmat hæc vitis Heliadum populo felicius.

Unicam gemmam exsudavit populus,

Una prodigiosam æpe;

Quot POTOCIA?

Si numeres? Piscariam contempsisti.

Princeps gēma Celsissimę THEODORUS POTOCKI

Archiepiscopus Gnesnē: Primas Regni, Legat9 Nat9.

Tiaram Varmiensē pretiosam fecit,

Pietate, munificentia, structuris, Virtutibus.

Miratur ita se excultum Ducatus,

At lacrymantur Posterī.

Nihil relictum est Alexandro ,

Postquam Philippus omnia consummâisset.

Illud paradoxum est,

Gemmis florere arbores!

Floruit sub hoc PRINCIPE Sacra Tilia,

Ubi hanc Cælestis roris guttam bibit.

Illam ad securim damnaverat Heterodoxa Vicinia:

Sed stetit impetus, quod non magnete arbor frondesceret.

Ita



*Ita pro Principe unione, Princeps pugnavit Gemma.*

277

*Sublimioribus deinde inserta Tiaris,*

*Meritorum, non Fortunæ manu,*

*Supra Principes Princeps est,*

*Voto omnium Eminentissima.*

*Regni moderatur habenas, & Regum Cor:*

*Felicissimè!*

*Acida Regni tempora ita temperavit,*

*Ut Religio, Patria, Cives, biberint Regnum pacis:*

*Quasi Cleopatræ poculum servâisset adhuc Antonius.*

*Date Cælis victimas Romana, in Poloniis Sacra:*

*Illum Vobis providerunt defensorem,*

*Quem nisi dedissent,*

*Iterum Gigantes Jupiter timuisset.*

*Parum erat Religionis integritatem servâsse,*

*Nisi auxisset etiam.*

*Arsurgit Varsaviæ Superùm ædes,*

*Liberali manu in fastigium gloriæ deducta,*

*Et MICHAEL ad libram expendit pretia.*

*Coruscant inter affusi auri splendores aræ,*

*Et gemmeo Capiti, Divorum destinant radios,*

*Ut pretiosius niteant,*

*Interim, donec Sanctissimū Antistitē excipiant altaria,*

*Porrige annulum Piscatoris Roma,*

*Ac Gemmam Præsulum in hoc Orbe eminere jube.*

*Quantum splendoris à Viro gemmeo huic Tiaræ,*

*Illustrissimo IOSEPHO POTOCKI,*

*Palatino Kiioviæ?*

*Inter Heroes Gradivus est,*

*Consus inter Procures*

*Inuictus manu, & consilio:*

*Non sub uno belli fulmine Gemma natus.*

F

Gem-



Gemmam agit,  
Sed Martia virtute decorem,  
Rebelli plebe domita,  
Dracone non uno vulnere cæso,  
Candorem purpurâ commutavit,  
Venustior sub hac macula,  
Quâ  
Seipso cruentum infecit Erythræum.  
Pretium dedit illi Oriens,  
Fecit ille sibi,  
Polona æstimavit Libertas,  
Et quod suo cogitat vindici, arcanum est.  
Annis, & Virtute gravis Unio  
Illustrissimus STEPHANUS POTOCKI  
Palatinus Belzensis  
Addit Coronæ Coronam.  
Nuper ad Regni limites Excubitor,  
Vigilantiorem Argum egit,  
Quàm vetus ille pro Iside.  
Quoties fines Poloniæ Scythia ingressus,  
Nunquam excessit integer:  
Et vitam, & prædam reliquit.  
Numeroso Getarum gregi  
Opposuisse STEPHANUM satis erat,  
Unus hic faciebat Castra,  
Idem Ductor, miles, & omnia.  
Ad Nomen POTOCII riguit hostis;  
Ita, quod Corona aliis, Compes erat Scythiis.  
Ulysses illum nunquam expavit Troja,  
Pro qua tantus Apollo stabat.  
Tales Columnas ad fines Patriæ statue Polonia!  
Plus, ultra proficies.

Ipsi



*Ipsi Caelites Themidis Coronæ gemmam inserite,  
Illustrissimum PETRUM POTOCKI  
Czerniechoviæ Palatinum.*

*Quidni?*

*Totus Sanctos, totus Pietatem spirat,  
Et habet Honoris amica Numina.  
Pro focis alii, pro aris hic pugnat:  
Ferro illi, hic auro;*

*Nullius rubigo famam tanget.*

*Tyszoviensem, Mostensem excitavit Ecclesiam;  
Kulikoviensem donavit meliori cultu, & Divâ Victoriâ.*

*Romanæ Martyri, tumultum in Polonia posuit,*

*Romam tamen ad PETRUM habet,*

*Herculem Gallicanum habes in Petro Polonia,*

*Aureo eloquio regnat, & vincit.*

*Sed nemo postulat absolvi à vinculis;*

*Tam cuiq; gratum est pendere ab ore loquentis.*

*Illustrissimum MICHAELEM,*

*& GEORGIUM POTOCKI*

*Inscribe Coronæ penna.*

*Alterum Notarium Regni, & insigne decus,*

*Alterum Excubito rem Lithvaniæ limitum,*

*Mareschalcum Tribunalis,*

*Fratres, & Arcades ambos.*

*Utrosq; debellatores Draconum, teste Nomine;*

*Virtute, debellatores hostium Patriæ.*

*Excubat pro militiæ integritate MICHAEL,*

*Pro Lithvanis limitibus GEORGIUS;*

*Securos agite somnos Regna.*

*Vigilant pro Vobis Leones.*

*Illustrissimos*

*Humacensem, Haliciensem, Belzensensem, Szczerzecenſe,*

*Crasnostaviensem, Socaliensem, Capitaneos,*

*Domus*



*Domus Illustrissimæ, & Justitiæ monilia,  
Ambit Æquitatis diadema:*

*Pretiosa sanè, si sui ambitum provocant.*

*Infer Divorum cætui Coronatum Caput Diva Themis;*

*Ariadnæ ferto elegantius est:*

*Non aliter Virtutem comunt POTOCCII.*

**S**ic gemmeum Roxolanæ  
Themidis diadema es *Illu-  
strissime, Excellentissime Domine*, in  
æstimatissimis unionibus, quos  
Sanguis Tuus, ceu Hydaspes, ad  
grande Poloni Orbis protulit or-  
namentum. Verùm quamvis hæc  
in frontem, & libram Justitiæ non  
venirent pretia, unus Tu breve  
quoddam Celsissimæ Domus cō-  
pendium es, divitem Te ipso red-  
dis coronam, quâ Themidis ador-  
nas Caput. Quærant alii intra  
Arabiam aurum, intra maria gem-  
mas; prærupta Alpium scruten-  
tur juga, ut metuendos inter ipsa  
desideria adamantes legant, & par-  
cam in sui pretia naturæ manum



tot cōpensent discriminib9. In Te  
 liberalior Fortuna, totum id con-  
 gessit, quidquid ad pretium, ad æ-  
 stimationem, & ipsum honoris fa-  
 ctum quæritur à mortalibus. Pri-  
 mas Ortus Tui adoro Cunas. Di-  
 xerim Auroram Te prodiisse in  
 cœlum Lechiæ, cùm & Tibi à  
 purpuris rubeat mane, nisi post,  
 actis illustribus Solem referas, &  
 n inoris astri nomina excedas ani-  
 mi magnitudine. Cæterum ab  
 animi candore, à morum innocē-  
 tia, Unionem nuncupabo. Quid  
 enim aliud procreasset, & gēmans  
 POTOCCIANÆ Dom9 arbor,  
 & *Illustrissimus Progenitor Tuus Ca-*  
*stellanus Camenecensis?* Cui (ni fa-  
 ta invidissent) Regni parabatur  
 annulus, & Tu Orbi huic gemma  
 nascebaris, concham pro cunis,



muricem pro fasciis nactus. Vix  
 prætextam exuisti, prodigioso pas-  
 su literariam ingressus es arenam;  
 hanc enim littus Pactoli, aut Gan-  
 gis effecisti, majore supra minus  
 ævum Scientiarum pretio. So-  
 mnient Vatum commenta in Or-  
 tu Palladis aureum ab Astris flu-  
 xisse imbrem, & nimbus ille fabu-  
 lis copiosior erat, quàm auro. Tu  
 ad veritatis prodigia literarū Deā,  
 melior scientiarum Jupiter, ita  
 profundo ingenii nutritivisti, ut gē-  
 mas in Coronam Sapientiæ pro-  
 fuderis. Plerumq; ditiores ani-  
 mæ ita Fortunæ suæ litant, ut lu-  
 cos Palladis, & Musarum Sacra  
 averfentur. Arca illis Plutonis,  
 quàm Ara Minervæ sanctior: di-  
 ves quantumvis suada, illorum nō  
 sapit genio, satis disertis sibi, si au-



ro tinniant. Fateor quidem Auroram Musis amicam, cæterū titulorum Soles non arrident umbris Atticis. Tibi Castellanidæ, id est Honorum Infanti, non pretiosior fuit murex domesticus, quàm Toga erudita. Ita Avitā arborē doctæ inferuisti Oleæ, ut hæc in Lignum scientiæ excreverit. Sic excultus, quæ in Te decora juvenescebant, Tecum ultra Patriam Europæ invexisti, ut non minùs ævo adolescerent, quā Tui pretio. Cum SIENIAVIANA Luna exteros adiisti Soles, ipse fidus aureum, non Sarmatico tantum, sed quovis Cælo dignissimū. Alii dū peregrina transmittunt æquora, dum Rhenum, Tamesim, & Sequanam petunt, facilè vitiorum limo deformantur, non magis vi-

arum



arum errore circumacti, ac morum, quasi non ubiq; obvium esset lutulentum scelus. Tu candorem mentis, tu nitidiorem liliis animum ita Galliis intulisti, ut nullo noëvo delibatum extuleris. Nullas ab alienis Solibus derivasti maculas, utpote in Regnorum Coronis gemma tersissima. Alii pessundatà patriorum morum innocentia nativum etiam idioma corruerunt lenitate exotica, ut ceu infantes balbutire audiantur lingua patrià, quos olim Viros expedivimus. Tu ut virtutis Polonæ, ita lingvæ Servatissimus, nihil fractū, cuncta reportasti integerrima; adamantis more, quem in quācunq; Orbis partem tuleris, totus reddit. Quotquot Te viderunt terræ, suspexerunt in te futura Le-

chiæ



chiæ pretia, & invidebant, quòd non suæ fortunæ thesauro servarentur. Vaticinia exterorum, Delphis certiora, probavit eventus. Redditus es Patriæ, nō ad pulchritudinis luxū compta facie, sed eà Corporis mederatione, quā cunctis fecit innata Majestas acceptabilem, non fecit odiosā. Averfatus es labem illam, quam cæteri contrahunt, dum peregrino cultu venusti nimium videri volunt. Tibi decor placuit, sed quē ignium Martialium pingit fuligo. Nimirum, æstus solis alieni non Te dissolvit ad blanditias, non ad delicias emolliit, sub quo Cor gessisti non cererum (quamvis tot Ceris Majorum nobile) sed adamantinum, cujus natura est inardescere ad nitorem gloriosum, non dif-

H

flue-



fluere. Ardorem hunc spectavit  
in Te Patria, cū in prælia fer-  
res pectus, ceu Ætnam, ut ho-  
stes incinerē dares, & fata in favil-  
lam. Terrebas flammis Leonē  
Sueticum; gemebat ille, quòd  
contra animi Tui incendia, non  
æquore suo defenderetur. Pri-  
mus Regiæ Præfectus Alæ, Dux  
Legionarius, volabas cum Aquil-  
lis Jovis Coronati; sequebantur  
fulmina, & præibant; ubi se auda-  
cior hostis opposuit, fecisti viam  
Victoriis, conculcato hoste tri-  
tam. Effulsit serenius Celsissimi  
Ducis SIENIA VII Luna, cū  
splendores augebas, juncto gladii  
fulgore; ad terrores belli non ex-  
palluit, Te Fratre sociata Phæbo;  
illi pro patria laboranti, præsentif-  
simo semper consilio & manu

fuc-



succurrebas. Ita inter Martis ful-  
 mina, & hostium cruores, natâsti  
 Coronæ gemma. Cùm verò ho-  
 stem ferires ictu, quali Alci-  
 des Hydram, cùm adversis  
 pectoribus vulnera dares, & vi-  
 ctorias reciperes, tulisti debitos  
 triumphali dexteræ titulos: *INCI-  
 SOR* Regni, ac hostium. Et ve-  
 rò tot præliorum manubiis onu-  
 sta dextera debebat Regiæ men-  
 sæ bellariis admoveri, ut tanti He-  
 rois fortitudinem, Regum Poten-  
 tissimus quotidie regustaret, cun-  
 ctis dapum condimentis majus  
 palato suo deliciū. REFEREN-  
 DARI Regni, Generalium Co-  
 mitiorum *MARESCHALLI* Au-  
 gustiores titulos, meritorum Tu-  
 orum pretia, ut uno quasi intuitu  
 Orbis relegat, adstrictiori stylo  
 comprehendimus. *Vires*



**V**ires in Caput collige Iustitia,  
 Frontem diadema gravat,  
 Illustrissimæ Domus gemmæ onerant.  
 Si STEPHANUM adjicimus,  
 Vertex inclinabitur.

Quin inclinetur, ut veniant:  
 Grandes sunt, Magnates sunt, merentur adorari.  
 Annulo REFERENDARII inserta Gemma

Quanto gravis pondere!  
 Tota illi Regii fori incumbit Majestas.

Jam honoratas admisit cæsuras,

Et eò gravior:

Jam se per sigillata dispensavit decreta,

Et nihil decessus habet:

Jam assiduo pressa usu atteritur,

Non deteritur.

Nihil, à tot Ceris, mollioris contraxit ingenii,

Ubiq; solidissima.

Quantis bellorum adurebatur æstibus!

Grandescebat inter fulmina, cum jam nasci non posset.

Fulgura, ceu suæ Lucinæ amabat Cunas.

Pallor, virtutis illi color, non metûs,

Nulla fuligine testabatur vitiatam.

Grandi Majestate Gemmæ, ut succurrisset Respublica

(Nam & Atlantes, succedaneos Alcidas admittunt)

Publicorum Consiliorum porrexit Scipionem.

Providè!

Sed votis Nuntiorum annuit quidem,

non respondit STEPHANUS:

Non se, directrice Virga, sed Religionem suffulciit,

Sed cæcidit sacrilegos.

Placuit Reipublicæ, tanta in se injuria,

Quæ



Quæ se casibus obtulit, ut Fides surrexisset.  
 Borussæ Urbis crimen erat,  
 Cælum, & Sanctos impetiêrunt Heterodoxi Gigantes:

Quin Gigantùm abortus:  
 Non fulmina contra hos torsisti Jupiter,  
 Sed Virgam.

Aculeatam sensit impietas:  
 Meritò:

Quia Rosam sine spina confixerat.  
 Stat integritas Nazaræi Floris hoc Scipione:  
 Erigitur justo impiorum casu.  
 Hinc Orbis intelligit, juratos Crucibus POTOCCIOS.  
 Aurum sibi in parvam adsciverat insana temeritas,  
 Et venales animas, quibus scelus viveret.

Mutum Metallum,  
 pluribus ineptam persuasit facundiam:  
 Auream hanc suadam audire noluit Mereschallus;  
 Nunquam tamen melius audit.

Hic, aureus cunctis STEPHANUS  
 Soli auro visus ferreus.

O dignum suo Nomine Virum!  
 Utrique STEPHANO lapis tantum,  
 utrique Petra placuit.  
 Munera placant homines?

Credo:

Sed non POTOCCIOS.  
 Aurea his Anima est; se satis divites.

Incorruptum Nomen STEPHANI  
 Astris inscribere Fama,

Et Cælum explica pro folio.

Virtus hæc terris major.

Nisi Zyroslaus POTOCCIOS præcessisset,



187  
*Tu Illustrissime PILAVITARUM Pater fuisses;*

*At uterq; esto:*

*Ille à devictis Crucigeris,*

*Tu à vindicato Crucis honore.*

*Ab hoc Ligno regnavit DEUS*

*Regnabit & STEPHANUS:*

*Virtuti, Honori, Famæ Immortali.*

**N**On aliter in animis Civiū  
regnas, *Illustrissime Do-*  
*mine.* Probitate ab incunabulis  
ducta compfisti virtutum omniū  
formas ad summam lineam, ut  
ereptum olim Romano Imperio  
Probum in Te colat Polonia.  
Habes à natura majestatem, co-  
mitatem à gratiis, amorem boni  
publici à corde, interritum robur  
à Genere, consilii principatum à  
Te. Fama Te futuris exemplū  
referet, & hoc erit perennem ef-  
se *Referendarium.* Honores,  
quamdiu Virtutum esse volent  
præmia, Te certatim præ sum-  
mis



mis rapiant. Supplices Po-  
 meraniæ & Masoviæ Purpuras,  
 hætenus repellere, vel differre  
 Tibi licuit; non ultra. Disside-  
 bunt Provinciæ, nisi vel singulis  
 humerum submittas ad Laticla-  
 via; vel concurrentium litem, or-  
 dine succedaneo dirimas. Intra-  
 bis Senatum Fratre Principe, &  
 tot Domus Tuæ Nominibus ple-  
 num; *Illustrissima Proles JOACHI-  
 MUS & JGNATIUS*, ut Paternæ  
 succrescunt gloriæ, ita prement  
 vestigia. Neq; in longā spē pro-  
 rogantur solatia; discit Senatum  
 agere *IOACHIMUS*; tenerima  
 Ætas Rempublicam solertiùs tra-  
 ctat, quàm olim tener Cato; fre-  
 quens illi in Curia ludus, admi-  
 randa etiam Patribus disceptatio,  
 & svada, quæ Regias aures non  
 detre-



detrectat. Uterq; verò, vix à lacte  
submoti, jam *Illustrissimam* T E-  
RESSIAM certissima promissi-  
one lactant, fore Matrem Sena-  
tûs. Illos & Te, quò major Pur-  
pura vestiet, non Fortunæ munus  
veniet, sed Justitiæ debitum.  
Tuam, Majestates Serenissimæ,  
Tu verò nostræ Urbis Justitiam  
coronabis. Tantumne? Etiam  
minima JESU Societas it sub coronam, ut Ho-  
nori Tuo cadat victima coronata. Hanc ingenti-  
bus beneficiis fecisti maximam; quare prima  
Tuo sistit se Tribunali, tot rea gratiarû; respon-  
sura tamen Mecænatis tanti favoribus, sed ad  
Aras, quibus illud appendit Votum: ut post  
primos Fasces, & Trabeas, post immensam To-  
gâ Sagoq; gloriam, Superi Tibi plurimas anno-  
rum dent Coronas.





e  
T  
I  
S  
n.  
e,  
n  
an  
o-  
ti-  
na  
n-  
ad  
oft  
o-  
no-

11. 13.

Biblioteka Jagiellońska



std0026904



